

Meraikan Tetamu

Baca petikan di bawah dengan teliti, kemudian lengkapkan tempat kosong dengan frasa yang sesuai.

menjawab panggilan telefon

menjamah makanan

membuka pintu

mengemas ruang tamu

menukar pakaian

Setibanya di rumah, Izuni terus menuju ke dapur. Langkahnya dihayun laju. Dia mahu segera mengisi perutnya yang sejak tadi asyik berkeroncong.

Tiba-tiba, Izuni terpancang sekeping nota pesanan daripada ibunya yang terlekat pada peti sejuk.

Setelah membaca pesanan itu, Izuni terdiam untuk seketika. Dia belum pernah menyambut kedatangan saudara-maranya seorang diri. Fikiran Izuni mula melayang mengingati pengalaman lalu.

Namun begitu, belum sempat Izuni melayan selernya, tiba-tiba kedengaran loceng rumahnya berbunyi dan telefon berdering. Izuni tergamam. Apakah yang harus dilakukannya?

Dia pun _____. Izuni bersalaman dengan Pak Long dan Mak Long lalu menjemput mereka masuk ke dalam rumah. Dia juga mempersilakan mereka duduk di ruang tamu.

Sejurus kemudian, Izuni _____. Ayah yang menelefon Izuni untuk bertanyakan situasi di rumah. Selepas itu, Izuni meletakkan gagang telefon.

Seterusnya, Izuni menghidangkan makanan dan minuman yang telah disediakan oleh ibunya. Izuni berbual-bual dengan Pak Long dan Mak Long dan bertanya khabar tentang keluarga di kampung. Kemudian, Izuni meminta izin untuk _____, membersihkan diri dan solat.

Setelah Pak Long dan Mak Long beredar, Izuni pun _____. Dia juga mencuci pinggan-mangkuk dan mengelapnya. Izuni memastikan tiada sebarang kotoran di ruang tamu.

Akhir sekali, Izuni _____ kerana perutnya benar-benar berkeroncong. Izuni makan dengan perlahan-lahan agar makanan dapat dihadamkan dengan baik.

Demikianlah kisah Izuni meraikan tetamunya di rumah. Kita sepatutnya mencontohi Izuni yang bijak bertindak.